



Partisipante ba Enkontru CTCC iha Gabinete MF

### Enkontru Komité Konsultativu Komérsiu no Aduaneira (CTCC– Sigla Ingles)

Nu'udar parte hosi enkontru Autoridade Aduaneira (AA) ho ninia parseiru relevante sira, liu-liu membru Komite Konsultativu Komérsiu no Aduaneira/Customs and Trade Consultative Committee (CTCC– Sigla Ingles) nian, AA hala' o ninia enkontru CTCC ba dala tolu nian iha data 29 Agostu 2023 no diskute tópicu balun kona-ba atividade relevante ba

komérsiu nian. Sua Exelénsia, Helder Lopes, Vice Ministru Finansas partisipa iha enkontru refere no fahe input balun iha sesaun abertura. S. E Helder fó ênfaze katak enkontru CTCC ne'e importante, ho

nune'e papêl no kontribuisaun setor privadu sira importante tebes ba dezenvolvimentu ekonómia nasaun.

Komisariu AA, Jose Abilio introdúz tópicu ida kona -ba zona livre/'Free Zone' ba partisipante sira hodi hasa'e kompiensan ne'êbe di'ak ba komunidade komersiantes sira iha atividade esportasaun no importasaun nian.

Tópicu balun sobre komérsiu nian mós diskute entre membru partisipante sira hodi bele melhora iha atividade komérsiu, inklui revizaun jerál ba Komparsaun Kustu no Taxa iha Portu Baia Tibar.



Ekipa AA ba Formasaun iha Medan, Indonesia

### Harii Relasaun Internasionál

Hanesan kolaborasaun ne'êbe kontinua hodi promove kooperasaun bilateral, Autoridade Aduaneira foin lalais ne'e fasilita partisipasaun membru funsionariu na'in ruanulu-resin-lima iha kursu komprensivu ba Formasaun Báziku Alfândega. Inisiativa ne'e, hala' o iha Diresaun Jerál Alfândega no Impostu (DGCE sigla Ingles) iha Sumatra, Medan, Indonesia, ne'êbe hala' o bazeia ba MoU ne'êbe asina ona entre entidade rua ne'e.

Husi loron 11 to' o 22 fulan Setembru tinan 2023, programa intensivu semana-rua inklui asuntu prinsipál hanesan klasifikasaun Tarifa Alfândega, Organizasaun Mundiál Komérsiu (OMK), Regra Valuasaun, Regra OMK Orijin, Jestaun Risku, no prinsipiu fundamental

husi kontrolu Alfândega.

Funsionáriu AA espresa sira nia apresiasaun kle'an ba oportunidade ne'e hodi engaja ho parseiru Indonesia no hetan koñesimentu ne'êbe presiozu durante programa formasaun, ne'êbe mós ajuda sira atu aumenta sira nia kompiensan kona-ba knaar no responsabilidade iha Autoridade Aduaneira.

Ba oin, Autoridade Aduaneira esforso hodi antisipa liután kolaborasaun ho Diresaun Jerál Alfândega no Impostu Indonesia.

Susesu husi formasaun ida ne'e hametin sira nia kompromisu atu hala' o inisiativa konjunta iha futuro, inklui programa formasaun no atividade kooperasaun sira seluk.



Membru BMC ka'er hela MoU ne'êbe asina ona

### Autoridade Aduaneira (AA) Establese Komité Jestaun Fronteira (KJF).

Autoridade Aduaneira Timor-Leste establese Komité Jestaun Fronteira (KJF) ho ninia parseiru relevante sira husi ajénsia governu hodi kontrola no koordena área fronteira nian ho di'ak liu, partikularmente ba jestaun movimentu ema, no sasan iha área fronteira nian.

Enkontru inisiu ba KJF nian hala' o iha 03 Agostu 2023, iha Salaun Enkontru AA ho partisipasaun husi ajénsia relevante ne'êbe servisu direktamente ba área fronteira ba atividade relevante komérsiu nian.

Hafoin enkontru inisiu ne'e, partisipante sira forma grupu traballu ida hodi diskute konteúdu husi Memorandu Entendimentu (MoU) no Termu Referénsia (ToR) ba establesementu komité, Planu Estratéjiku Nasionál no dekreto lei relevante ne'êbe

regula Jestaun Fronteira Koordinadu (JFK).

Grupu traballu ne'e kompostu husi representante husi Ministériu Agrikultura, Saúde, Transporte no Telekomunikasaun, Komérsiu no Indústria, inklui setór xave husi parte seguransa iha Polisia Nasionál nian hanesan; Departamentu Imigrasaun, Unidade Polisia Marítima, Unidade Polisia Fronteira no representante legal balun husi Gabinete Komisariu PNTL nian.

Revizaun final ba MoU no ToR hetan asina husi delegasaun autorizadu husi ajénsia relevantes ho prezensa representante Vise Ministra Finansas, Enkarregadu Negósiu Embaixada EUA no Komisariu AA iha data 19 Outubru 2023 hodi bele implementa ba oin.

### Ekipa Sekretária AA lidera no organiza enkontru importante sira.

Nu'udar parte hosi suporta ne'êbe la' o daudaun hela husi parseiru USAID/Timor-Leste Trade Governance Activity, ekipa AA hetan oportunidade hodi lidera, koordena no organiza eventu importante sira hanesan enkontru ho sira nia parte interesada sira ne'êbe servisu iha área komérsiu nian. Evidénsia atuál husi ekipa sekretária nia kolaborasaun mak hatudu ona iha enkontru Komite Jestaun Fronteira (KJF) no Komite Konsultativu Komérsiu no Aduaneira (CTCC) nian ne'êbe foin hala' o iha fulan Agostu no Setembru 2023 nia laran.

Ekipa Sekretária AA ne'e lidera husi Sra. Rosa Cruz, Diretora Nasionál Administrasaun Finansas no Lojística, ho membru na'in 8 seluk. Ekipa ne'e kolabora tebes hodi fahe knaar no lidera eventu enkontru sira ho organizadu liu. Ekipa sekretária mós husu ba

parseiru servisu USAID/ Timor-Leste Trade Governance Activity atu halo evaluasaun no komentáriu wainhira kompleta ona enkontru KJF no CTCC nian foin lalais ne'e hodi nune'e bele identifika asuntu sira ne'êbe bele fó impaktu ba susesu husi enkontru hirak ne'e. Ekipa USAID kongratula ekipa sekretária ba servisu dia'k ne'êbe sira halo ona, ne'êbe suporta mós ekipa AA nia sustentabilidade hodi organiza no hala' o eventu sira ne'e.

Ekipa Sekretária apresia apoiu husi USAID/Timor-Leste Trade Governance Activity hodi guia sira durante prosesu organiza eventu saida de'it.

“Ida ne'e oportunidade di'ak ida atu servisu besik liutan ho ekipa USAID no apriende husi imi. Ami sente kontente hodi hatene katak iha metodolojia ida no kuandu ami halo tuir, sei produz duni rezultadu ida diak” dehan Sra. Rosa Cruz.